



Season of  
Creation 2

**SETSWANA**

## THAPELO YA YUKARISTE YA SETLHA SA POPO 2

Morena a nne le lona

**Mme a nne le wena**

Tlhatlosang dipelo tsa lona

**Re di tlhatloetsa Morena**

A re lebogeng Morena Modimo wa tlholego yotlhe

**Go a tshwanela go mo naya ditebogo le pako**

O buile Lefoko mme tsotlhe tse di mo legodimong le mo lefatsheng, dilo tsotlhe tsa nna teng. Mowa wa gago o ne o kala godimo ga metsi, mme o ntshitse botshelo ka dipopego tse di senang palo, mmogo le lefatshe la rona le le bosisi, le rona baagi ba lone. Jaaka histori ya rona e le mo go wena, le bokamoso jwa rona bo ikaegile mo go wena. Jaaka re fapogile mo tseleng ya gago, jalo re boela gape mo mofuthong wa lerato la gago. Ka wena botshelo jwa dilo tsotlhe bo a ntshwafadiwa.

Mme jaanong re go naya ditebogo, gone kgalalelo ya tlholego e beilwe mo tlhokomelong ya rona, le ditshono tsa go abelana le botlhe letlotlo la popo ya gago.

Ke gone mmogo le dikgagamato tsa popo, le dikopelo tsa pako tsa dibopiwa tsotlhe tsa gago, mo legodimong le lefatsheng, re go baka jaanong le ka metlha re re:

**O boitshepo, O boitshepo.....**

Ka bosigo jo Jesu a okilweng ka jone, o ne a tsaya bogobe, tiro ya diatla tsa batho, neo ya lefatshe la rona, mme a leboga Modimo. A roba bogobe go bua le rona ka go robega ga mmele wa gagwe mo sefapaanong, a bo neela ditsala tsa gagwe a re: 'Tsayang lo je, gone se ke mmele wa me o neetsweng lona. Dirang se go nna segopotso sa me.'

O tseile beine, tiro ya diatla tsa batho, neo ya lefatshe la rona, a leboga Modimo, Motlhodi. O tshetse beine go bua le rona ka go tshololwa ga madi a gagwe. A naya ditsala tsa gagwe a re: 'Se ke madi a me a kgolagano e ntshwa, a a tshololetsweng lona le tlholego yotlhe ka ga boitshwarelo jwa dibe. Ka metlha fa lo nwa beine e, lo dire se go nna segopotso sa me.'

Ka jalo re phatlhalatsa bosaitseweng jwa tumelo:

**Kreste o sule**

**Kreste o rudile**

**Kreste o tla tla gape**

Ka moo Modimo, rona ba re senkang poelano le wena, bao re tlhokang poelano le bangwe-ka-rona, bao re solofelang poelano le popo yotlhe, re gogele gaufi le bosaitseweng jo.

Ka go rojwa, go tshololwa le go fitlhwa, botshelo bo tswileng gape. Ke ka go rojwa fa go nnileng le phatlha, mo go tshololweng fa go na le metswi ya kabelano, mo losong le phitlho fa go nna le peo ya bophelo jo bontshwa jo bo tlang.

Jaaka fa re leba mo lefatsheng la rona, mo matshelong a rona le mo dipelong tsa rona, go tla gabobedi ga gagwe, re boloke mo ponong eo e re e boneng. Ka go neela bogobe le beine, dira gore

re boelane le lefatshe la rona, mme o re fe bongwefela jo bo robegileng, kopano e e tshologileng, le tsogo e e fitlhlilweng, tseo ka tsone re ka busetsang popo ya gago le go dirafatsang thato ya gago.

Romela Mowa wa gago o o nayang botshelo mo go rona le mo popong yotlhe ya gago, Mowa o o ileng wa kala pele godimo ga metsi a a boteng.

Fudua go bopa mme o rekolole go senya ga rona. Re dire bangwefela le wena ka mmele le madi a Morwao, Lefoko la gago le le diregileng nama fela jaaka Lefoko la gago le dirile nama.

Yo ka ene, le ka ene, le mo go ene, mo kopanong le Mowa o o bopang wa gago, le tsotlhe tse di neng di le teng, tse di leng teng le tse di tla tlang mo lebopong la gago, re ema fa pele ga gago re go obamela, Modimo wa tsotlhe, ka dikopelo tsa pako e nnetseng ruri:

**Tshegofatso le tlotlo le kgalalelo le thata di nne tsa gago ka metlha le metlha.  
Amen.**

## BEKE YA NTLHA: PHETOGO YA BOSA LE TSHIAMISO-TIKOLOGO

Felo-ga-Boitshepo le kereke di ka kgabisiwa ka ditshwantsho tsa loapi, maru le lebopo. Difolaga tsa thapelo di ka newa baphutego le go akgiwa mo mabotaneng a kago. Bana ba sekolo sa Sontaga kgotsa Batsha kampo mokgatlo o mongwe b aka dira difolaga tseo mme ba di golaganye le Sontaga ya phetogo ya Bosa. Dithapelo di ka kwalwa mo difolageng go rapelela phodiso ya loapi la rona ka nako ya Boikwatlhao kampo pele ga Tshimologo ya Tirelo-Modimo.

**Mola wa tumediso:** “foo sekaka se tla fetoga tshimo ya ditlhare tse di ungwang, mme tshimo ya ditlhare tse di ungwang e tla kaiwa sekgwa. Mme molao o tla bo o agile mo sekakeng, tshiamo e tla nna mo tshimong ya ditlhare tse di ungwang. ( **Isaiah 32:15b - 16**)

**Boikwatlhao:** re ipolela fa re nnile megagaru mme tlhokile tshiamiso mo tikologong ya rona...

### Koleke

Morena wa popo yotlhe, ka go ipatlela le megagaru ya rona, re rugile dikungo tsa lefatshe, mme ra tlhakatlhakanya loapi le bosa jwa polanete ya rona. Thutafalo ya lefatshele go kokomoga ga seelo sa lewatle e nna matshosetsi go ditshaba ts ditlhaketlhake le batho b aba mo kotsing le bodulo ba bona.

Re neele pono e ntshwa ya polanete e ya rona mme o bope mo go rona maikutlo a mashwa a tshiamiso ya loago le tikologo.

Ka Jesu Krete Morena wa rona . **Amen.**

Puiso ya ntlha	Jesaya 24:1 - 6	E bua ka lefatshe le le leswafetseng fat lase ga baagi ba lone.
Pesalome	Pesalome 98:1-9	Lefatshe le arabela tiro ya poloko ya Modimo mme le a e amogela
Puiso ya bobedi	Baroma 8:18-25	Poloko ya batho ke go imolola tolamo ya popo
Efangele	Matheo 8:23-27	Jesu o na le thata ya go laola phefo le makhubu

### TSHEGOFATSO

Tswelang kwa ntle mo lefatsheng lo tletse boitumelo,  
kopanang le Mmopi wa lona yo o lo emetseng koo,  
itumeleleng mahumo le *pharologano* tsa lefatshe le Keresete a suleng go le boloka  
phelang mo thateng ya Mowa o o ntshafatsang dilo tsotlhe  
mme tshegofatso ya Modimo Mmopi,  
Rara yo nnetseng ruri, Morwa yo o rudileng le Mowa o o Boitshepo o o solofeditsweng,  
o lo tshegofatse gore lo nne tshegofatso mo go ba bangwe, gompiano le ka metlhayotlhe.

**Amen.**

## BEKE YA BOBEDI: *DIJO LE TSHIAMISO YA TIKOLOGO*

Dikungo tsa thobo di bewe ka bontsi mo Felo-ga-Boitshepo. Tirelo e ka dirisiwa jaaka moletlo wa Thobo, fela go maikutlo a tsepamisiwe mo go senyeng le go diriseng mahumo a Lefatshe. Re gopola tshiamololo e direlwanng botlhe bao ba tlhokang dijo. Leloko lengwe le lengwe la phutego le ka fiwa tsejwana ya mabele kgotsa setlhotla sa mmidi fa ba tsena mo kerekeng. Se se re gopotsa fa Jesu, Mesia, e le Bogobe ba Bophelo

Go ka bewa mefuta e farologaneng ya dinkgwe mo Felo-ga-Boitshepo mme di abelwe batlhoki, kampo dinkgwe di ka tshasiwa ka tse di farologaneng jaaka kgotla-o-mone mme di jewa ke mongwe le mongwe morago ga Tirelo.

Go tlhagisa Molaetsa wa letsatsi, go besiwe dinkgwe-kgolokwe, mme di leriwe di le bolelo ke ban aka nako ya dineelo go ntse go opelwa sefela: *“Ke nna Bogobe jwa Bophelo”*

**Mola wa tshimologo:** *“Ke rata go utlwa se Morena Modimo o tla se buang, gone batho ba Ona, e bong baratiwa ba Ona, o tla bua nabo tsa kagiso. Fela ba se boele kwa bosilong”.* Pesalema 85:9

**Boikwatlhao:** re ipolela fa re leofile, re dirisitse tlhago botlhaswa, mme re sa e babalela. Re ikakanyeditse re le nosi, mme ra itlhokomolosa tekatekano ya lefatshe..

### Koleke

Modimo yo o nnetseng ruri,

o rwea ngwaga ka tshiamo, mme o re fa maungo a lefatshe ka nako ya teng.

Neela gore re a dirisetse kgalaletsong ya gago, go namolela ba ba tlhokang le molemong wa rona.

Ka Jesu Keresete Morena wa rona. **Amen.**

LEFOKO LA MODIMO		
Puiso ya ntlha	Lefitiko 25:8-24	Go rudisa le go busetsa tekano ka molawana wa Tuduetsa
Pesalome	Pesalome 85	Kamano magareng ga tshiamiso le boitekanelo jwa lefatshe
Puiso ya Bobedi	Jakobo 5:1-8	Go tlhoka tekatekano ga maemo a ikonami e e tlholwang ke khumo e e feteletseng go ba le mmalwa go tlhagisa selelo sa badiri
Efangele	Luka 4: 16-21	Seabe sa Mesia

### Tshegofatso

A Modimo Rara yo o jadirang peo ya botshelo jo bo sa khutleng mo pelong tsa lona, a lo tshegofatse

A Modimo Morwa, yo lo go godisang ka pula le marang a lorato, a lo tshegofatse,

A Modimo Mowa o o Boitshepo, yo o re lereng rotlhe mo botlalong jwa botshelo, a lo tshegofatse; mme a tshegofatso ya Modimo yo o Boraro e nne lona ka metlha, gore lo nne tshegofatso mo go ba bangwe. **Amen.**

## **BEKE YA BORARO: METSI**

Motswedi wa metsi o ka bewa mo Felo-ga-Boitshepo. Mosumo wa metsi a a elelang o utlwale mo kagong yotlhe ya kereke. Leloko lengwe le lengwe la phutego le ka newa lebotlolo la metsi a a ka rapelelwang mo tirelong.

Dijana sa metsi a phepa a bewa mo Felo-ga-Boitshepo, a a tla leswafadiwang ka nako ya Boipolelo. Matlapa a ka tsenngwa mo go tse dingwe tsa dijana go kaya mokgwa o re thibelelang kelelo ya metsi mme re a dira go a tlhoke bophelo. Dinaammala tse ditala tsa dijo di ka tshelwa mo sejaneng sengwe sa metsi go kaya ka moo re dirang gore metsi a nne le tshefu mme re tshwenya botshelo jwa tlhologo ba dijalo mo tsamaisong ya metsi.

**Mola wa Tumediso:** “Noka ya Modimo e tletse metsi”. (Pesalome 65:9)

**Boikwatlhao:** re ikwatlhela mekgwa ya rona ya go senya metsi, mme re leswafatsa ka, matlakala le didiriswa tsa kgwebo

**Difela:** di ikaege mo ntlheng ya metsi.

## **KOLEKE:**

Morena Modimo,

ka setshwantsho sa metsi o senola bomolemo jwa Mowa wa gago.

Dira gore tlotlo ya rona go motswedi o e nne e e boteng, gore nwe ka botlalo neo ya Mowa wa gago o nayang botshelo, ka Jesu Keresete Morena wa rona. **Amen.**

<b>LEFOKO LA MODIMO</b>		
Puiso ya ntlha	Genesi 21:8-19	Boikaego jwa rona mo metsing
Pesalome	Pesalome 104:10-17	Boitemogelo jwa kamano magareng ga metsi le botshelo le Modimo jaaka Monei.
Puiso ya bobedi	Tshenolo 22:1 – 7	Metsi jaaka tshwantshiso ya botshelo jo bo elelang go tswa go Modimo
Efangele	Johanne 4:1-15	Bokao jwa semowa jwa metsi

## **TSHEGOFATSO**

A Modimo a lo golole, a Modimo a lo dise bosigo le motshegare

A Modimo o tlhome mo mannong a siameng, mme lo aname jaaka bojang jwa praire

Anamang jaaka makala a dipalema, tsweleng go tsamaya, mme botshelo bo nne le lona.

A Modimo a lo beye ko dinaledi tsa Modimo di leng, phrimana le bosigo *(Samburu, Kenya)*

Mme tshegofatso ya Modimo Mothtiyotlhe.....

**Amen.**

## BEKE YA BONE: MAATLA A A PHEDISANG

Felo-ga-Boitshepo le kago yotlhe ya kereke fa go kgonagala, e tshubiwe ka dipone tse di tukisiwang ka maatla a letsatsi. Maloko a phutego a kopiwe go abelana ka tsona. Dipone di dirisiwa boemong jwa dikereso go fokotsa kelo ya khabone mo loaping.

**Mola wa tumediso:** Modimo ke botshabelo jwa rona le thata ya rona, o itshupile gantsi e le thuso mo ditlalelong...(Pesalema 46:1-2)

**Boikwathao:** re ipolela fa re nnile botlhaswa ka dineo tse Modimo o re di neileng, mme re ikakanyetsa re le nosi, re tswelala go senya tikologo le popo ya Modimo

**Difela:** di ikaege mo bolebeleding, go tlhokomela se Modimo o se dirileng

## KOLEKE

Modimo Motatiyotlhe,

O tlhodile magodimo le lefatshe le tsotlhe tse di mo go tsona;

re thuse go tshela ka go sa ngotlegeng mo popong ya gago,, re akanyetsa-pele ditlhokego tsa ba bangwe, le ditshika tse di tlang.

ka Jesu Keresete Morenawa rona, yo o tsileng gore re nne le botshelo jo bo tletseng. **Amen.**

LEFOKO LA MODIMO		
Puiso ya ntlha	Lefitiko 25:8-24	Maatla a phedisang a temo-thuo
Pesalome	Pesalome 46	Modimo ke ene fela motswedi wa thata le go phela ga rona, go sa natse se se diragalang.
Puiso ya bobedi	Bakolose 1:15-23	Dilo tsotlhe di tlhodilwe ka Keresete
Efangele	Johanne 3:16-21	Modimo o rometse Morwa-One go boloka popo yotlhe

## TSHEGOFATSO

Tsamayang ka bopelokgale mo tsholofelong e lo bolokilweng mo go yona;

bakang Modimo mo popong yotlhe;

latelang Keresete yo dilo tsotlhe di bopilweng ka ene;

mo thateng ya Mowa nnang tlhaka ya tsholofelo go lefatshe lotlhe,

mme tshegofatso ya Modimo Mmopi,

Rara yo nnetseng ruri, Morwa yo o rudileng, le Mowa o o Boitshepo o re o solofeditsweng, a lo tshegofatse gore lo tle lo nne tshegofatso mo go ba bangwe, jaanong le ka metlha. **Amen.**

## BEKE YA BOTLHANO: *BOTSHELO-PHAROLOGANO*

Felo-ga-Boiptshepo le kago ya kereke e tlale ka dijalo. Tirelo e e ka nna ya go tshegofatso ya diphologolo. Fa go lere diphologolo mo kerekeng go tla baka mathata, go ka bewa dilwana tsa go kana ditshwantsho tsa diphologolo mo mabotaneng a dikitsitso.  
Dikerese di ka tshubiwa, kampo go dirisiwe dipone tse di dirisang maatla a letsatsi boemong jwa dikerese

**Mola wa Ditumediso:** A dirobele tse pedi ga di rekisiwe ka halfsente? Mme ga go sepe sa tsona se se welang fatshe kwa ntle ga go rata ga Rraeno. Mme le dithiri tsa ditlhogo tsa lona di badilwe tsotlhe. Ka moo se boifeng, gone lo gaisa dirobele di le dintsi (**Matheo 10:29-31**)

**Boikwatlhao:** re ipolela fa re dirisitse kgololosego ya rona botlhaswa, mme re itlhokomositse thato ya Modimo, re ikaegile mo go ya rona.

## KOLEKE

Modimo yo o nnetseng ruri, yo nayang botshelo,

Mo pharologanong o humisa kopano ya bogone jwa rona;

Re thuse go phela ka kutlwano, mo dipharologanong le go sa tshwaneng ga dibopiwa tse dingwe, Nonotsha boitemogelo jwa maemo a rona popong, gore re nne balebeledi le badiredi ba bontsi-ntsi le bontle ba yona.

ka Jesu Keresete Morena wa rona. **Amen.**

### LEFOKO LA MODIMO

Puiso ya ntlha	Genesi 1:12 – 28	Pale ya tshimologo ya botshelo-pharologano
Pesalome	Pesalome 148	Pako ya tikologo
Puiso ya bobedi	Tshenolo 5:11-14	Botshelo-pharologano- dibopiwa tsotlhe di kopana mo pakong
Efangele	Matheo 10:26-33	Dipobiwa tsotlhe di nale boleng mo Modimong

## TSHEGOFATSO

Modimo Mmopi ke motswedi wa tsotlhe tse lo di tlhokang,

Keresete Mmoloki ke sediba sa masego otlhe a lona

Mowa o o Boitshepo ke thata e e tsosolosang bosupi ba lona

Tsamayang ka bopelokgale go direla lefatshe mo leineng la Modimo



mme tshegofatso ya Modimo Mmopi,

Rara yo nnetseng ruri, Morwa yo o rudileng, le Mowa o o Boitshepo o re o solofeditsweng, a lo tshegofatse gore lo tle lo nne tshegofatso mo go ba bangwe, jaanong le ka metlha.

**Amen.**

## **DITIRAGALO TSA SETLHA SA POPO**

### 1. *Go jala ditlhare*

Lwetse ke kgwedi ya *Jalo ya ditlhare* mme se ke tshono e e itumedisang ya go jala ditlhare mo kerekeng le ko gae. Ke eng re sa jale ditlhare ka dikolobetso le ditlhomamiso, matsalo le manyalo, le mo kgopodisong ya mongwe yo o robetseng. Jalang ditlhare tsa selegae kgotsa tsa maungo tse di sa tlhokeng metsi a mantsi thata.

Thapelo ya go jala setlhare:

*Mmopi wa botshelo le Motshodi wa peo le mmu, wa setlhare le tšheše, o tlhodile lefatshe le tsotlhe tse di phelang mo go lone. Re tla go Wena ka thapelo e ya go itshekisa le tshegofatso, gonne e le wena monei le motshodi wa botshelo jotlhe. A setlhare se se epe medi e e boteng, mme e nne le dikala tse di bophara go nna sesupo sa letlotlo la lerato la gago. Mo leineng la Mmopi, Motshodi le Morekolodi. Amen.*

### 2. Ditereo tsa bontle jwa tlholego.

Tshwarela ditirelo tsa kereke kwa ntle mo felong fa popo ya Modimo e tla itemogelwang le go ketekelwa gone. Ditirelo tse di farologaneng di ka tshwarelwa mo mafelong a a farologaneng: Kereke mo sekgweng, Kereke kwa Thabeng, *jalojalo*. Fa go le boima go rulaganya, karolo ya ntlha ya tirelo e ka simololwa kwa ntle mme go tsenwe mo teng go dira Dthapelo tsa Yukariste.

### 3. Lenaneo la go phepafatsa

Akanya ka go thala tirelo ya phepafatso go tsaya gape karolo ya lefatshe e e senyegileng. Dirisang dikgetse tsa go tshola matlakala mme lo karolo e e gaufi le kereke.

### 4. Tekanyetso ya tikologo

Lekanyetsa tiriso ya metsi, motlakase le pampiri tsa kereke. Akanya ka go dirisa dipone tse di bolokang motlakase. Tlatsa botlolo ya dilitara di le pedi mme o e tsenye mo segelelong sa ntlwana-boithusetso go fokotsa tiriso ya metsi. Baakanya dipompo tsa metsi tse di dutlang.

### 5. Jala ditshingwana tsa dijo.

Rotloetsa phutego go nna le ditshingwana tsa merogo. Tshwara tirelo ya go tshagofatsa peo ka dikgakologo, go kopa Modimo go segofatsa ditshingwana. Fa merogo e siametse thobo, tshwara tirelo ya go keteka mabutsa-pele go leboga Modimo. Sebaka se se potapotileng kereke se ka fetolelwa go nna tshingwana.

*Fa o batla tshedimosetso e nngwe, ikgolaganye le ACSA Environmental Network, Green Anglicans: [info@greenanglicans.org](mailto:info@greenanglicans.org). Facebook: Green Anglicans. Website [www.greenanglicans.org](http://www.greenanglicans.org)*